






BIBANDO NA E TERA



Lès 11 pa Dezèmber 13, 2025



“ Un kontesta suave ta kita rabia,
pero un palabra skèrpi ta lanta rabia”
(Proverbionan 15:1, NIV)

Despues di varios añanan di guera, Israel a konkistá Kanaan, ounke no tur di su habitantenan a wòrdu deportá ainda.

E dos i mei tribunan ku a tuma poseshon di e parti pariba(di ost) (Ruben, Gad i e mitar tribu di Manasés), i ku a krusa e Jordan pa yuda den e konkista, a kumpli fielmente nan kompromiso.

Finalmente, e tempu pa separá a yega. Despues di bendishona nan i konsehando nan pa sigui riba Dios Su kaminda, Josué a manda nan bai. Pero e despedida a wòrdu tapá dor di un mal komprendementu serio ku fasilmente lo por a destruí e unidat di e pueblo di Israel.



-  E Diskurso di Despedida (Josue 22:1-8)
-  E motibu pa e konflikto (Josue 22:10-12)
-  E akusashonnan (Josue 22:13-20)
-  E kontesta kariñoso(amistoso) (Josue 22:21-29)
-  Rekonsiliashon (Josue 22:30-34)

E DISKURSO DI DESPEDIDA

“ Pero tene hopi kuidou pa warda e mandamentu i e lei ku Moisés e sirbidó di Señor a duna boso: pa stima Señor boso Dios, pa kana den obediencia na djÉ, pa warda Su mandamentunan, pa tene duru na djÉ i pa sirbiÉ ku henter boso kurason i ku henter boso alma.”(Josue 22:5 NIV)

Pasombra e Jordan lo tabata bai kousa un seperashon entre e tribunan, Josué a duna konseho sabí na e dos i mei tribunan asina ku nan lo por keda fiel (Josue 22:5):

**Pa stima Señor
boso Dios**

Amor ta e prinsipio ku lo mester guia nos na Dios.
Nos ta stim'E pasombra El a stima nos promé (1
Juan 4:19)

**Pa kana den
obediencia na djÉ**

Esaki ta kon Josué ta indiká e kondukta ku ta
wòrdu spear di esnan kende ta skohe pa kana ku
Dios

**Pa warda Su
mandamentunan**


Obediencia ta e resultado natural di e kurason
gradesido ku ta komprendé loke Dios a hasi

**Pa tene duru na
djÉ**

Nos mester pega na Dios sin laga kualke
distrashon kibra e union ei


**Pa sirbiÉ ku henter
boso kurason i ku
henter boso alma**

Nos ta haña nos berdadero propósito,
satisfakshon, i bida abundante ora ku nos
boluntariamente sirbi nos Kreador ku amor



E MOTIBU PA E KONFLIKTO

" Ora ku nan a yega na Geliloth serka di e Jordan den e tera di Kanaan, e yiu hòmbènan di Ruben, e yiu hòmbènan di Gad i e mitar tribu di Manasés a traha un altar imponente ayanan banda di Jordan" (Josue 22:10)



Serka di e lugá kaminda ku Josué a konstruí un monumento di e krusamentu milagroso di e Jordan, e dos i mitar tribunan a traha un altar similar na e altar di e Santuario (Josue 22:10, 28).

E akto aki a wòrdu interpretá komo un transgreshon di e lei ku a prohibí ofresiendo sakrifisionan na un lugá otro ku e altar di ofrendanan kimá den e Santuario (Lev. 17:8-9).




E sobrá di e Israelitanan a disidí pa kita e piká aki dor di ataká e nan rumannan hòmbèr (Josue 22:12). Pero Dios a intervení pa prevení un guera sivil sangriento. El a lanta hendenan kende a skohe pa no husga sin tur e evidensia; nan a duna e benefisio di e duda; i nan a disidí pa duna nan rumannan hòmbèr e oportunitat pa splika nan mes (Josue 22:13-14).

Manera esaki a result, su úniko eror tabata di no a informá su rumannan hòmbèr di su intenshonnan ... pero esei no ta un piká.




E AKUSASHONAN

" Henter e asamblea(reunion) di Señor ta bisa: ' Kon boso por kibra fe ku e Dios di Israel asin'ei? Kon boso por bira bai for di e Señor i traha pa boso mes un altar den rebeldiá awor kontra di djÉ?' "
(Josue 22:16)




Pakiko Finees a wòrdu skohé pa kabesá(dirigí) e komité ku ta investigá (Josue 22:13-14)?

Finees, e sumosaserdote su yiu hòmber, tabata severo den paramentu di e piká na Baal di Peor (Num. 25:7-8). Den su spich, el a konektá e piká aki na Akan su piká i a kompará esaki ku esun supuestamente kometé dor di e dos i mitar tribunan (Josue 22:16-20).



Finees su spich tabatin sentido perfekto. Si sakrifisionan a wòrdu ofresé riba e altar konstruí resientemente, Dios lo kastigá henter di Israel pa esaki (Josue 22:18b).

Sinembargo, El duna nan e oportunitat pa rektifiká e fayo(erro), promé ku nan a kometé e piká: El a ofresé nan e chèns pa bolbe bèk na e banda di Jordan kaminda e Santuario tabata (Josue 22:19).



E KONTESTA KARIÑOSO

" Si nos a konstruí(traha) nos propio altar pa bira lomba pa Señor i pa ofresé ofrendanan kimá i ofrendanan di grano(maishi), òf pa sakrifiká ofrendanan di kompañerismo riba djé, ku Señor mes pidi nos cuenta di esaki." (Josue 22:23)

E tribunan di Ruben i Gad, i e mitar tribu di Manasés, ora ku nan a wòrdu akusá, a aktuá na un manera ehemplar:



Nan a skucha na e akusashonnan den silencio

Nan a yama Dios komo nan testigu


Nan a aseptá pa wòrdu kastigá si nan a peka

Nan a revelá nan motivashonnan berdadero

Ora ku e Israelitanan no tabata sa e motivashonnan di nan rumannan hòmer pa a traha e altar, nan a asumí: rebeldia, un deseo pa separashon, i kastigu divino.

E realidat tabata: un deseo pa keda uní ku nan rumannan hòmer i evitá un futuro separashon na e parti di e Israelitanan (Josue 22:24-26).

Ounke e tribunan akusá lo por a sinti ofendí dor di e akusashonnan i reakshoná violentamente na nan defensa, danki na nan respuesta amistoso, guera a wòrdu evitá.




REKONSILIASHON

“ Nan tabata kontentu pa tende e relato i a alabá Dios. Y nan no a papia mas tokante di baimentu na guerra kontra di nan pa ruiná pais kaminda e yiunan hòMBER di Ruben i e yiunan hòMBER di Gad tabata biba” (Josue 22:33)



Mirando ku e akusashon tabata no fundá, Finees i e delegashon Israelita tabata aliviá (Josue 22:30-31). Pa nan parti, ora ku e Israelitanan a siña e berdat, nan a regosihá i a alabá Dios (Josue 22:32-33).



Dor di nan ehèmpel, nos por mira e pasonan nesesario pa restorá pas den situashonnan similar ora ta relashoná na famia, Iglesia, i komunidat:



Komunikando nos pensamentunan



No bula bai na konklushonnan



Papia tokante di e problemanan promé ku aktua



Sea dispuesto pa hasi sakrifisionan pa logra unidat



Duna un kontesta elegante(ku manera) na e akusashonnan



Regosihá i bendishoná Dios ora ku pas a wòrdu restorá

“ E yiunan di Gad i Ruben awor a pone riba nan altar un inskripshon ku ta hasi nota e propósito pa kual esaki a wòrdu trahá; i nan a bisa, “ E lo ta un testigu entre nos ku Yehova ta Dios.” Asina nan a purba pa prevení futuro mal komprension i pa kita loke lo por ta un kousa di tentashon.

Kon frekuentemente difikultatnan serio ta lanta for di un simpel mal komprendementu, asta entre esnan kende ta wòrdu motivá dor di e motibunan di mas digno; i sin e ehersisio di kortesia i toleransia, ki resultadonan serio i asta fatal lo por sigui [...]

Ningun hende a yega di wòrdu reklamá for di un posishon(puesto) robes dor di sensura i reproche; pero hopi ta wòrdu fòrsá asin’ei mas leu for di e kaminda korekto i guiá pa hasi nan kurason duru kontra di konvikshon. Un spiritu di kariño, un komportashon kortes i ku ta soportá lo por salba esun ku ta ekiboká i skonde un multitud di pikánan”